

GKB TWINT – in'app cun colliaziun directa al conto

Pajar cun il smartphone senza daner contant ed a moda cumadaivla

Cuira, il 1. d'october 2019 – La nova app GKB TWINT è disponibla en ils stores dad Apple ed Android. Da nov è il conto da la BCG ussa collià directamain, ins na sto betg pli chargiar si in credit. Grazia a TWINT pon las utilisadras ed ils utilisaders far cumpras cun lur smartphone en butias u en l'internet u pajar las taxas da parcadi, e quai en tut la Svizra. Era pussaivlas èn assegnaziuns da daners tranter ils utilisaders da TWINT.

TWINT, l'app per pajar, ha la Banca Chantunala Grischuna (BCG) gia introducì il 2016 sco soluziun da prepaid. Ussa han las clientas ed ils clients la pussaivladad da telechargiar gratuitamain l'app GKB TWINT en ils stores dad [Apple](#) ed [Android](#) e da la colliar directamain cun lur conto da banca. Grazia a questa funcziun n'èsi betg pli necessari da chargiar avant in credit sin l'app. Mintga pajament cun TWINT vegn cudeschà directamain dal conto e figurescha en l'extract da conto.

Pajar mobil – pli simpel e pli spert

TWINT è il daner contant digital da las bancas svizras. Cun l'app per il smartphone pon ins pajar spert e simpel a la cassa da la butia, en l'internet u en la butia dal bain puril. Ils utilisaders da TWINT pon trametter in a l'auter daners en temp real. En il futur pon ins far ina donaziun a fundaziuns enconuschentas via code QR u directamain or da l'app GKB TWINT. Ins po era pajar las taxas da parcadi. Quai funcziuna cun scannar il code QR che sa chatta sin l'ura da parcar. La durada pon ins decider sez ed ins la po interromper da tut temp. La differenza vegn bunifitgada directamain al conto via l'app GKB TWINT.

Midar sin la nova app GKB TWINT

Suenter che Vus avais installà la nova app GKB TWINT, stuais Vus As registrar cun las datas d'access da l'e-banking. Avant la midada ston ils daners chargiads en l'app da fin ussa vegnir pajads sin l'agen conto (sut *Menü/Guthaben entladen*). Il dabun avant maun sin l'app da prepaid na vegn betg transferì automaticamain en la nova app. Suenter pudais Vus stizzar l'app da prepaid TWINT.

TWINT è uschè segir sco e-banking ed utilisescha plirs elements da segirezza per proteger las datas. Cun in code PIN per l'app ed il smartphone pon ins anc ina giada augmentar la segirezza. En cas d'enguladitsch u da perdita dal smartphone pon ins bloccar las debitaziuns da TWINT.

Ulteriuras infurmaziuns èn disponiblas sut gkb.ch/twint.

Contact per ils collavuraturus da medias:

Banca Chantunala Grischuna, Medias & Investor Relations, chascha postala, 7001 Cuir
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 999 collavuraturas e collavuratur (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019:	7 da favrer 2020
Radunanza dals participants:	25 d'avrigl 2020
